



北邊備對序



淳熙二年臣大昌備數講官因講禹貢壽
皇問曰卿言中國山川悉矣北虜地里亦
能詳知之否大昌對曰虜無文史間有可
傳者多弗詳實臣安敢強以不知爲知也
後暨紹熙大昌乃得奉祠家居無所事常
愧前此淺學無以酬塞顧問追采古來中
華北狄樞紐相關者條列而推言之則虜

事雖不盡知而亦可云涉獵矣初時奉訓
指問者惟北狄故專主北以言不容雜舉
他虜也紹熙辛亥八月新安程大昌叙

東晉多弗詳實曰安始疑以不味為味也

翁精味之否大昌謹曰實無文史間有西

皇問曰噫言中國山川悉失北實此里亦

享賜二羊曰大昌前嫂歸官因壽禹貢壽

北

北邊備對

精

曰海區外海臨實謂北

四海

其山實臨實謂北

四海之邊中國者在山東則為東海在廣
南則為南海人人得而聞見不待證說矣
若禹迹所及西竟流沙而極于西海東北
嘗至碣石而北海之名不著于經則謂外
薄四海訖于四海者如之何而四也漢武
帝事遠有效弧矢兵帥使命方行四表故

西北一海遂有身歷而目擊之者矣非道
聽塗說之比也於是條支之西有海焉先
漢使命固嘗見之而入諸史矣後漢班超
又嘗遣甘華輩親至戎地至於西海之西
又有大秦者焉即波斯也夷人之與海商皆嘗
往來若夫北海則又其甚遠者矣而霍去
病之封狼居胥山也其山實臨瀚海者北
海也蘇武郭吉皆爲匈奴所幽寘諸北海

之上而唐史所載又曰突厥部北海之北
更有所謂骨利幹之國焉在海北岸也然
則詩書所稱四海者實皆環域夏而四之
非寓言也若夫西北二虜有西海栢海青
海蒲類海蒲菖海居延海白亭海鮮水海
皆嘗竝海立稱矣然要其實致則衆水鐘
爲大澤如洞庭彭蠡之類故借海以名之
非真海也李吉甫辨白亭海而曰河北得

水便名爲河塞外有水便名爲海其說確
有班固叙張掖之水曰羗水出羗中東北
至居延入海則真以居延爲海矣

漢緣邊九郡

五原

鹽州

朔方

夏州

雲中

雲州

代郡

鴈門

定襄

忻州

北平

平州

上谷

易州

漁陽

薊州

秦漢河南

漢史凡証三輔以及虜事而曰河南者非

洛陽河之南也上郡北地隴西朔方西河
皆在積石豐勝龍門三河之南故曰河南也

虜名號

北狄者太王之獯鬻宣王之玁狁幽王之
犬戎桓公之山戎也爲其居四夷之北故
總名北狄也至戰國遂有林胡烏桓之名
後爲鮮卑至漢初東胡遂爲冒頓所并而
冒頓國于東胡之西卽漢世之匈奴也漢

史之叙北狄事自秦以前皆名爲犬戎而
史記李牧傳已有匈奴之名則狄人立匈
奴以爲國號云已久矣若以時世求之則
蒙恬所卻之胡其酋長卽頭曼也故漢史
曰頭曼不勝秦而北徙頭曼者冒頓之父
也頭曼之將已稱單于後又增稱撐犁孤
塗單于史著其義曰撐犁者天也單于者
廣大之貌也自秦至漢在北最强者惟此

一族他虜雖盛莫之與京後魏之世蠕蠕
社崙始改稱單于爲可汗者其擬則皇帝
也故唐高宗曰今之可汗古單于也突厥
也者本匈奴之北部居金山之陽以鐵工
役屬蠕蠕已而益大改稱突厥突厥者兜
牟也以兜牟名國明其肇迹於兵也唐初
頡利大盛所據之地三垂薄海南抵大漠
其地正與華夏對立而力亦相抗矣若元

魏拓跋本亦北虜其勢既盛乃竊用中國禮樂盜居中國郡縣不容列爲偏北之虜故皆不錄唐自突厥以外其疆大能與中國抗力者薛延陀回紇沙陀吐谷渾四種最大若吐蕃雖嘗侵入北境其實西戎也

契丹

五代史曰契丹在潢水之南黃龍之北鮮卑故地或云亦鮮卑別種戰國之世命爲

東胡者是也及阿保機併小族稱帝援立石晉又得其所割鴈門以北幽州節度管內十六州蓋其地東北有盧龍塞西北有居庸關中國恃此以限界北狄自十六州既割之後山險皆爲虜有而河北盡在平地無險可以拒守矣

回紇九姓

唐史回紇者其先匈奴也後呼鐵勒薛延

陀者回紇之部落也貞觀初突厥已亡惟回紇與薛延陀爲最雄強已而回紇攻薛延陀併有其地遣使獻功太宗爲幸靈州次涇陽受其功乃以回紇部爲瀚海部督多質葛部爲蕤然部督凡六部督天寶初回紇之臣裴羅襲破拔密自稱骨咄祿毗伽款可汗天子以爲奉義王居突厥故地徙牙烏德鞬山南去高闕無二千里則去

塞甚不遠而又盡九姓之地九姓者曰樂葛羅曰胡咄葛爲族凡九也其後裴羅又殺白眉可汗得地愈廣盡得古匈奴地肅宗初遣兵助廣平王收長安帝以幼女妻之此在唐之中世北虜最强者也

梁州
匈奴庭

匈奴之俗雖曰逐水草遷徙不常然亦擇形勢便利據一地以爲之庭猶中國之有

京邑也遇戰爭游獵則隨事而出事已復歸其舊其設險據要略與中國同惟不建築城郭則大異耳

北狄無城郭
東西南三夷皆以有城郭爲固至於北狄則以不立城郭爲武韓安國曰匈奴輕疾悍勇之兵也至如颶風去如收電居處無常難得而制漢叙西域諸國有城郭國有

行國城郭國則其築城有守者也行國則不立城郭而以馬上爲國者也

突厥建牙

匈奴屯聚之地則曰置庭突厥兵師所駐則曰建牙其實一也

黃河四大折

黃河自鹽澤西來暨達潼關其水勢所向凡四大折或與北狄分境或當北狄來路

其初一折由積石而逕湟中則鄯蘭也是
 一折也及至靈州西南遂轉北而行凡千
 餘里此河西岸即為涼肅甘沙四郡是又
 一折也迨其北流千里而遙至九原豐州
 則又轉而東流故豐州北面正抵大河是
 又一折也豐州之東為榆林北境固抵大
 河而河從此州之東又轉而南故勝州北
 東兩面皆抵大河也自此而徃直至潼關

皆是河南矣此又一折也

黃河四大折圖 西

鹽澤

唐河湟

鄯蘭

甘肅

漢河南
北郡地

北流河

河西四郡

隴西郡

靈州

朔方

唐關內部

勝豐

唐受降城單于府

潼關

龍門河

唐河東郡朔

東

雲

南

北

長城

古來築長城以扞北虜者四世莫趙秦隋也秦制多承莫趙而隋氏不盡因秦也史記莫城起於造陽而至襄平遼陽造陽者上谷地也襄平者遼東縣也遼陽者遼水之北也皆莫國邊胡之地故其建築亦在此地也趙之城則自代地而西屬于高闕代者鴈門郡也高闕者靈州北流河之西

陰山之上游也趙武靈王國於雲代故其備胡之城但能竝河而西以極乎趙境耳至秦已并六國天下爲一西自上郡北地而遼東西悉爲秦有故蒙恬之致役也西起臨洮則中國極四之地也北屬遼東則中國極東之地也自東迄西殆萬餘里無論莫趙之與岷蘭其在當時蓋無一地而無長城也於是會合三制而要其所宿則

秦城之長固周乎中國之北矣然審而求之則其城不皆秦築也秦但修築使足耳元和志曰開皇長城自代之繁峙縣北經蔚州北十里入飛狐縣夫其自代而蔚則極北而與虜邊中國之地不出此外秦人爲城以域中夏其地固當在此矣志又曰開皇城起嵐州合河縣經幽州皆因古跡修築夫嵐州者樓煩郡也初爲胡地後爲

趙惠文所取則合河縣固可立城矣幽州者戰國時屬燕地則非趙人所得有何由可施版築也是必前乎燕趙別有築之者史所不傳故槩言因古跡修築也以此知古事湮落無載者多也元和志又有大業城在靈州懷遠縣界河北則越積石河而北秦無此迹也

大漠北回雙輿之畫藉今燕夏幕北

漢趙信既降匈奴與之畫謀令遠度幕北以要疲漢軍故武帝必欲越漠征之而大漠之名始通中國也幕者漠也言沙磧廣漠望之漠漠然也漢以後史家變稱爲磧磧者沙積也其義一也

玉門陽關

漢之兩關皆在燉煌郡壽昌縣通典曰漢龍勒縣也玉門在縣之北陽關在玉門之

南故曰陽一陽而設兩關者自此趨西域有南北道故也

居庸關

太行山南自河陽懷縣迤邐北出直至燕北無有間斷者也此其爲山不同他地蓋數百千里自麓至脊皆斗峻不可登越獨有八處麤通微徑名之曰陁居庸關也者卽其最北之第八陁也此陁東西橫亘五

十里而中間通行之地才闊五步卽李左
車謂井陘車不得方軌騎不得成列者其
險可以類想也

北無天山謂崑崙山其高止不同於此蓋
天山卽祁連山也又名時漫羅山又名祁
漫羅山蓋虜語謂爲祁連也時漫羅也祁
漫羅也皆天也通典元和志於張掖縣旣
著祁連山矣而伊西庭三州皆有此山則

是自甘張掖而西至于庭州相去三千五
六百里而天山皆能周徧其地則此山亦
廣長矣

計祁連山谷計崑崙山谷大如之八十一倍
漢朔方之北雲中之南代郡之西高關之
東有陰山焉又有陽山焉漢書音義曰陽
山在河北陰山在河南予以漢史本文考
之始知陰山陽山皆在豐勝河之北謂爲

河南者誤也

燕然山

後漢和帝永元元年竇憲與耿固出朔方
鷄鹿塞至涿郡山與南匈奴兵合憲分遣
精騎與戰於稽落山谷大破之八十一部
俱降遂登燕然山去塞三千餘里刻石勒
功紀後漢威德若夫燕然山者必在速耶
烏之地而速耶烏必在漠北而非薊之燕

山也

焉支山

霍去病元狩三年出隴西有功武帝曰驃
騎涉狐奴轉戰六日至焉支山千有餘里
合短兵鏖戰臯蘭下通典甘州刪丹縣有
焉支山匈奴失之乃歌曰失我焉支山使
我婦女無顏色說者曰焉支者閼氏也今
之胭脂也此山產紅藍可爲胭脂而閼氏

資以爲飾故失之則婦女無顏色其說或然也

浚稽山

應邵曰浚稽山在武威塞北匈奴以爲蔽障路

金山

隋唐間突厥阿史那氏得古匈奴北部之地居金山之陽

賀蘭山

賀蘭山在靈州保靜縣山有林木青白望之如駿馬北人呼駿馬爲賀蘭

資以為飾故失之則婦女無顏色其說或然也

浚稽山

應劭曰浚稽山在武威威縣北匈奴以為蔽

障路

父咬鷄馬北人知鷄馬為賢蘭

賢蘭山在靈州府靖邊山有林木青白壁

地曰賢蘭山

虞山錢遵王藏書



